

EES-STOFNANIR

SAMEIGINLEGA EES-NEFNDIN

ÁKVÖRDUN NR. F2

2017/EES/67/01

frá 23. júní 2015

um gagnaskipti milli stofnana vegna veitingar fjölskyldubóta

(Texti sem varðar EES og samning EB og Sviss)

2016/C 52/07 (*)

FRAMKVÆMDARÁÐIÐ UM SAMRÆMINGU ALMANNATRYGGINGAKERFA HEFUR,

með hliðsjón af sáttmálanum um starfshætti Evrópusambandsins,

með hliðsjón af reglugerð Evrópuþingsins og ráðsins (EB) nr. 883/2004 frá 29. apríl 2004 um samræmingu almannatryggingakerfa ⁽¹⁾, einkum a-lið 72. gr.,

með hliðsjón af reglugerð Evrópuþingsins og ráðsins (EB) nr. 987/2009 frá 16. september 2009 sem kveður á um framkvæmd reglugerðar (EB) nr. 883/2004 um samræmingu almannatryggingakerfa ⁽²⁾, einkum 2. mgr. 2. gr. og VI. kafla III. bólsks,

og að teknu tilliti til eftirfarandi:

- 1) Á 340. fundi framkvæmdaráðsins 22.–23. október 2014 létu sendinefndir í ljós áhyggjur sínar af erfiðleikum sem þær lentu í að því er varðar hraða, samræmi og skipulag upplýsingaskipta milli þar til bærra stofnana vegna úthlutunar og útreiknings fjölskyldubóta.
- 2) Einnig var fjallað um þá flóknu og löngu málsmeðferð sem er notuð við úthlutun fjölskyldubóta í vinnuhópi framkvæmdaráðsins um fjölskyldubætur 18. apríl 2012 og á umræðuvettvangi (e. Reflection Forum) um mál er varða flutning á fjölskyldubótum milli landa og rétt til slíkra bóta 10. mars. 2015.
- 3) Upplýsingaskipti milli stofnana ættu að vera í samræmi við 3. mgr. 68. gr. og 4. mgr. 76. gr. reglugerðar (EB) nr. 883/2004 og 2. gr. og 2. og 3. mgr. 60. gr. reglugerðar (EB) 987/2009.
- 4) Í samræmi við 3. mgr. 60. gr. reglugerðar (EB) nr. 987/2009 ætti sú stofnun, sem umsókn um fjölskyldubætur er lögð fram hjá, ef hún kemst að þeirri niðurstöðu að löggjöfin sem hún starfar eftir gildi en ekki að forgangsrétti, að taka án tafar bráðabirgðaákvörðun um það hvaða forgangsreglur skulu gilda og senda umsóknina áfram, í samræmi við 3. mgr. 68. gr. reglugerðar (EB) nr. 883/2004, til stofnunar í aðildarríkinu sem hún telur hafa meginvaldheimild.
- 5) Þessi bráðabirgðaákvörðun verður endanleg annaðhvort á þeim degi sem viðtökustofnunin samþykkir ákvörðunina eða, ef viðtökustofnunin hefur ekki tilkynnt afstöðu sína til ákvörðunarinnar, þegar tveir mánuðir eru liðnir frá því að umsóknin berst henni (hvort heldur ber fyrir að) nema stofnunin, sem umsóknin er send til skv. 3. mgr. 60 gr. reglugerðar (EB) nr. 987/2009, hefur tilkynnt að hún vefengi bráðabirgðaákvörðunina innan tilgreinds tveggja mánaða tímaramma.
- 6) Í samræmi við a-lið 3. mgr. 68. gr. reglugerðar (EB) nr. 883/2004 og 3. mgr. 60. gr. reglugerðar (EB) nr. 987/2009 ætti að reikna og greiða viðbótargreiðsluna án tafar um leið og hlutaðeigandi einstaklingur öðlast rétt til bótanna og aðildarríkið hefur nauðsynlegar upplýsingar til að reikna viðbótargreiðsluna.
- 7) Ef sú stofnun, sem umsókn um fjölskyldubætur er lögð fram hjá, hefur tekið bráðabirgðaákvörðun um þær forgangsreglur sem á að nota en hún hefur ekki enn fengið allar nauðsynlegar upplýsingar til að reikna endanlega fjárhæð viðbótargreiðslunnar, ætti hún, að beiðni hlutaðeigandi einstaklings, að reikna og veita viðbótargreiðsluna til bráðabirgða ef slíkur útreikningur er mögulegur á grundvelli tiltækra upplýsinga í samræmi við a-lið 3. mgr. 68. gr. reglugerðar (EB) nr. 883/2004 og 7. gr. og 3. mgr. 60 gr. reglugerðar (EB) nr. 987/2009. Þegar upp kemur ágreiningur milli viðkomandi stofnana um það hvaða löggjöf gildir að forgangsrétti ættu ákvæði 2.–5. mgr. 6. gr. og 4. mgr. 60. gr. reglugerðar (EB) nr. 987/2009 að gilda.

(*) Þessi ESB-gerð birtist í Stjttð. ESB C 52, 11.2.2016, bls. 11. Hennar var getið í ákvörðun sameiginlegu EES-nefndarinnar nr. 33/2017 frá 3. febrúar 2017 um breytingu á VI. viðauka (Félagslegt öryggi) við EES-samninginn, biður birtingar.

⁽¹⁾ Stjttð. ESB L 166, 30.4.2004, bls. 1.

⁽²⁾ Stjttð. ESB L 284, 30.10.2009, bls. 1.

- 8) Notkun eyðublaða fyrir upplýsingaskipti í þeim tilgangi að veita og reikna fjölskyldubætur samkvæmt reglugerð (EB) nr. 883/2004 og reglugerð (EB) nr. 987/2007 ætti að vera í samræmi við ákvörðun nr. E1 ⁽¹⁾.
- 9) Til þess að auðvelda samræmda beiðingu reglugerðar (EB) nr. 883/2004 og reglugerðar (EB) nr. 987/2009 er framkvæmdaráðið því einhuga um að setja ætti skýrari frest fyrir upplýsingaskipti til þess að veita og reikna fjölskyldubætur samkvæmt reglugerð nr. 883/2004 og reglugerð (EB) nr. 987/2009 og auk þess ættu að vera skýrari reglur um greiðslu viðbótargreiðslna (þ.m.t. til bráðabirgða).

Í samræmi við skilyrðin sem mælt er fyrir um í 2. mgr. 71. gr. reglugerðar (EB) nr. 883/2004.

ÁKVEDIÐ EFTIRFARANDI:

1. Stofnun skal, án tafar, veita viðkomandi stofnunum annarra aðildarríkja allar nauðsynlegar upplýsingar til að hægt sé að staðfesta rétt og reikna fjölskyldubætur. Jafnframt skal stofnun, ef hún fær vitneskju um upplýsingar sem kunna að skipta máli fyrir ákvörðun um rétt til fjölskyldubóta eða úthlutunarfjárhæð, senda viðkomandi upplýsingar til annarra hlutaðeigandi stofnana eins fljótt og unnt er.
2. Stofnun skal tafarlaust svara beiðni um upplýsingar frá öðru aðildarríki og aldrei síðar en:
 - a. tveimur mánuðum eftir viðtökudag beiðninnar ef um er að ræða beiðni um stöðu á bráðabirgðaákvörðun um forgangsreglurnar sem um getur í 3. mgr. 60. gr. reglugerðar (EB) nr. 987/2009 eða
 - b. þremur mánuðum eftir viðtökudag beiðni um upplýsingar í öllum öðrum tilvikum.
3. Í undantekningartilvikum, ef rökstuddar ástæður eru til þess að stofnunin, sem tekur við beiðni um upplýsingar, geti ekki svarað innan þess frests sem settur er fram í b-lið 2. mgr., skal hún tilkynna stofnuninni, sem leggur fram beiðnina, um það og ástæður tafarinnar; og þar sem mögulegt er skal stofnunin gefa til kynna hvenær hún mun veita upplýsingarnar sem beiðið er um og upplýsa stofnunina sem leggur fram beiðnina um hvers konar breytingar á tímarammanum sem miðað er við.
4. Ef a.m.k. tvö aðildarríki eiga hlut að máli skulu þar til bærar stofnanir, að fenginni beiðni, skiptast á upplýsingum um fjölskylduáðstæður bótaþega og fjárhæð og taxa greiddra bóta. Slíkar beiðnir skulu háðar tímarammanum sem um getur í b-lið 2. mgr. Með fyrirvara um skuldbindinguna í 1. mgr. getur þar til bær stofnun, þegar um er að ræða almennar reglubundnar beiðnir, sem lagðar eru fram án tilhlýðilegra ástæðna, annaðhvort varðandi stýringu á bótafjárhæðinni eða sannprófun á rétti til bóta, ekki lagt fram slíka beiðni oftar en einu sinni á ári né skal þar til bærrí stofnun, sem tekur við beiðninni, ekki bera skylda til að svara slíkri beiðni oftar en einu sinni á ári.
5. Viðbótargreiðsluna skal reikna og greiða án tafar um leið og hlutaðeigandi einstaklingur öðlast rétt til bótanna og aðildarríkið hefur nauðsynlegar upplýsingar til að reikna viðbótargreiðsluna. Tíðni viðbótar- eða bráðabirgðagreiðslna skal vera samkvæmt því sem mælt er fyrir um í innlendra löggjöf lögbæra aðildarríkisins varðandi greiðslur fjölskyldubóta.
6. Ákvörðun þessi skal birt í *Stjórnartíðindum Evrópusambandsins*. Hún öðlast gildi á tuttugasta degi eftir birtingu hennar.

Formaður framkvæmdaráðsins,

Liene RAMANE

⁽¹⁾ Ákvörðun nr. E1 frá 12. júní 2009 um hagnýtt fyrirkomulag vegna aðlögunartímabils varðandi upplýsingaskipti með rafrænum aðferðum sem um getur í 4. gr. reglugerðar Evrópuþingsins og ráðsins (EB) nr. 987/2009 (Stjtíð. ESB C 106, 24.4.2010, bls. 9).